

دائرة مخصوصه

درسعادتده باب على جوارزنده

محل اداره :

مشارف القيم

اخطار :

مسلكمزه موافق آثار جديده مع المنوئيه

قبول اولنور

درج ابدلهين آثار اعاده اولنور

دينه، فلسفه، علوم، حقوق، ادبياتده و سياستده و بالخاصه كرك سياسى و كرك اجتماعى و مدنى احوال و مشوره اسلاميه و ده بحث ايدر و هفته ده بر نشر اولنور.

آبونه بدلى

سنه لكى التى آيلنى

ممالك عثمانيه	ايچون	۸۰	۴۰	غروش
روسيه	»	۶۰۰	۳۰۰	روبله
سائر ممالك اجنبيه	»	۱۷	۹	فرائق

صاحب و مؤسلى :

ابوالعلا زين العابدين - ح . اشرف اديب

تاريخ تأسيسى

۱۰ تموز ۳۲۴

درسعادتده نسخه سى ۵۰۰ پاروددر

قيرله دن مقوا بورو ايله كوندريلىر سه سنوى
۲۰ غروش فضله آلير

عدد : ۶۴

۱۱ ذى القعدة ۳۲۷ پنجشنبه ۱۲ تشرين ثانى ۳۲۵

اوجينجى جلد

عائشه رضی الله عنها ابن عمر ك بو يولده اولان اعتقادینی ایشیدنجه :
« يا عجباً لابن عمر هذا يا مراء النساء ان ينقضن رؤسهن افلا يا مراءهن
ان يخلعن رؤسهن لقد كنت اغتسل انا ورسول الله من انا واحد
وما ازيد على ان افرع على رأسي ثلاث افراعات » بیورمشلردی .

صحابیانندن هند رضی الله عنها مستحاضه حقنده اولان رخصت
نبویه ایشتمامش بولندیغندن نماز قیلور ؛ فقط نمازی وقتنده ادا
ایده مدیکندن متأثر اولیور ، آغلا یوردی .

آکلا شیلیور که اصحاب کرام حضراتی بر مسئله حقنده اثر موجود
اولدیغندن بی خبر اوله رق اجتهاد ایتدکلی صورتده کندیلمینه ، اثر
تبلیغ اولونجه یا اجتهادلرنده مصیب اولدقلری میدان چیقار ، ممنون
اولورلردی ؛ یا خود مخطی اولدقلری سولنور ، کندیلمینه دخی
اجتهادلری خلافتده غلبه ظن حاصل اولدیغندن مذهب لرندن رجوع
ایلرلردی . فقط بعضاً کندی اجتهادلری خلافتده غلبه ظن حاصل
اوله مادیغندن اجتهادلرنده ثبات ایلرلر ؛ بو حالده اواثر اوزوات طرفندن
طعن ایدیش اولورلردی . بعضاً دخی اواجتهاد کرده لری اولان مسئله
حقنده اثرک ورودندن بو سبتون خبر سز قالدقلری ده وقوع بولامش

دکلی . صوکی وار قزانی حلیم ثابت

صوک فریاد

مدنیت ، او هیکل افکار

باقهرق روزن حقیقتدن :

حایق ر . — ای ذلیل انسانلر !

وازچک ، وازچک بو وحشتدن . .

یتشیر شان ایچون دناشیر ،

یتشیر سجده پای جلاده ،

یتشیر چکدیچک سفاتلر ،

کلور ، آرتق ، ایشته امداده :

آسماندن نه بر ندای آله ،

نه ده خاک سیاهدن بر آه . . .

دائما خون ماعت اکهرک

خیره قارشی هجوم ایدوب ، کسمک :

بو دکلی جنایتک حکمی ؟

سز کیدنجه یتیملر قالیور ،

آلرنده نه وارسه ، هب آلیور

بر حکمدار ظالمک ظلمی . . .

حرص آماله آلت اولمقدن :

نه مکافات اومارسکز بیلمم ؟

دائما چهره لرده زهر آلم ،

دائما هر کولکده کین ژیان . .

هر امل قانی ، هر امل مشوم :

دیدینیر قلب آدمیشده ،

کورورم لوئی روی صفوتده !

بی امان درده هر سون محکوم . . .

یاشایک صلح ایچنده . . . راحت روح

عالمک سینهنسده بر مجروح

کبی هر آن زوالی ، کریه نثار ؛

بولیور هر طرفده بر غدار . .

سزی خلق ایلین آلهی بیلک ؛

کافر ، اولماز امید وار نجات ؛

بر تسلی اضطراب ایسه دین :

دینده محفوظ امید توفیقات . . .

.....

بو سوزک قارشینسده انسانلر :

حکم وجدانه اولیوب آگاه ،

ینه بردن قودوردیلر ، ایواه . .

آچهرق ظلم ایچنده زندانلر :

حق هادی بی آتدیلر ، اورایه !

طا بدیلر ، صوکره ، دائما پارایه . . .

عثمان فخری

فرانسزجه بر رساله دن :

۱۹۰۹ سنه سننده ژاپونیا نك قواسی

عجبا ژاپونیا نك قوه حاضره عسکریه سی نه دن عبارتدر ؟ قوه

عسکریه سنك تزییدی وارداتیله متناسبمیدر ؟

افکار تمایلاتی نه مرکزده در ؟ سنجاغك دلالت ایتدیکی وجهله

ژاپونیا حقیقه شرک برشمس طالعی میدر ؟ یوقسه سریع الزوال

بر فجر کاذبی میدر ؟ بونجه عصرلردن بری حالت اجتماعیه سنی تشکیل

ایدن دره بککلری اوروپا مملکتلرندن بعضیلرنده اولدینی کبی فرق

سیاسیه شکنده ظهور ایدوب یکدیگریله مجادلهیه باشلایه جقلرمی ؟

ژاپونیا ترقیات صناعیه سنك نتیجه سی « سوسیالیزم » مسلکندن قرار

ویره جکمی ؟

اجرا ایده جکمز تبعات تعداد اولنان مسائلک حلنی متکافل

دکدر . یالکیز بولردن هر برینک صورت خصوصیه ده تدقیقنه دائر

بعض نقاط نظریله در میان ایتک جهته خادمدر . اولا شوراسی معلوم

اوللی که اقوام شرقیه نك بنیه عقلیه لریله اقوام غربیه نك بنیه عقلیه لری

بر برینه بکزمه مدیکی عمومک تسلیم کرده سی اولان بر حقیقت ثابته در .

حالبوکه غربیلر اقوام شرقیه نك افعال وحرکاتی دائما کنندی قواعد

منطقه لرینه توفیقاً تدقیق و محاربه ایدیلورلر . شرقلیر ایسه بو منطقدن برشی اکلایورلر . انلرک کندی منطقلرندن استنباط ایتدکری نتایج دائماً اقوام غریبه نك نتایج منطقیه لر یله طبان طبانہ ضد دوشیور . غربلیر حلیه حقیقتدن عاری بر طاقم فرضیاتہ ، و قیاساتہ فریفته اولیورلر . بونک نتایجده بعضکره پک وخیم اولیور . ایشته روسیه نك بکن طقسان درت سنه سی شباطنک سکنزنجی کونی پورار توردہ ژاپونیا طوریدولرینک هجوم نا کھانیلرینه معروض اولمسی ده بو تخالف منطقی نتیجه سیدر .

روسیه حکومتی ، کندیسی بویله بر تعرضدن مصون بولندیره جنی ، کندیسنه وقت قازاندیرم جنی اعتقادندہ ایدی . چالبوکه ژاپونیا نك احوالی حقیقده معلومات صحیحہ به دسترس اولانلر روسیه نك بویله بر هجومه اوغرایه جنی قطعاً بیلورلر ایدی . حتی « نیویورق هرالد » غزته سی ژاپونلرک « کینسو » ده تدارکات حربیه اجرا ایتدکرینی ، روسیه و ژاپونیا خارجیه ناظرلر یله بارون « روزن » بیننده جریان ایدن مذاکرات موافق بر شکل و صورت اکتساب ایتدیکی تقدیرده ژاپونلرک اکسزین « قوره » یه بر قوه مهمه سوق ایدم جکلرینی یازمش ایدی . غزته نك بو اخباری قطعی ایدی . فقط منطق اعتبار یله بویله بر شیدک وقوعه احتمال ویرلیدیکندن « نیویورق هرالد » ک بو اخبار واقعی اصلاً نظر اعتباره الندی .

احوالی ایوجه آکلامق ایچون ژاپونیا یی اوروپا دولتلرینک انظار حیرتلی اوکندہ برنجی درجه ده بر عسکری حکومت صورتندہ تجلی ایتدیرن قواسی حقیقده بر فکر حاصل ایتک فائده دن خالی دکدر . محاربه اخیرہ نك ظهورندن هنوز چوق زمان کچمدیکندن ژاپونیا اردولرینک موفقیات متوالیه سی عسا کرک متانت فوق العاده ، صوک درجه یه قدر موتی استحقار ایتلرندن ایلر وکلدیکی جمله مزک معلومیدر .

اوروپا اصولی وجهله تنسیقی نقطه لطرینه کوره بیک سکنز یوز التمش سکنز سنه سندن اول معدوم حکمنده اولان ژاپونیا اردوسی سوق الجیشہ عائد عنعنات تاریخیه سی اولمیدنی ، « تورن » یا خود « ناپولیون » کبی دهات عسکر یه دن برینک تحت قومانداسنده بولمیدنی حالده اون سنه دن عبارت بر مدت قلیله ظرفنده هیچ بر موفقیتسزلکه دوچار اولمدن اوچ محاربه اتلا تمشیدر . بو محاربه لر دن ایکسی پک او قدر حائر اهمیت دکل ایدی ؛ فقط اوچنجیسی کرک طرفین عسکرینک مقدارندن ، کرک حربک تمادیسسیله محاربکرک عناد و اصرار لرندن طولانی ازمنه اخیرہ ده ظهور ایدن محارباتک دک دهشتلیرندن ایدی . عجبا ژاپونلرک سلسله موفقیاتی تأمین ایدن شی قوماندانلرینک تربیه عسکر یه لریمی ایدی ؟ طبیعت نقطه نظرندن بو اولدیغنده شبهه یوقدر . « وینغتون » و « ویریلان » مرد آهینن « نامی بونلر ده ویریله بیلور . زیرا بو قوماندانلرک کافه سی « اولومدن قورتلق اخلاقسزلقدر » قاعده سی دستور حرکت اتخاذ ایتیلر ایدی . فقط مسئله نك جهت فییه سنه کلنجه الیوم « توکیو » ده زادکان

قرلرینه مخصوص مکتبک مدیری اولان « پورار تور » فاتحی جنرال « نوژی » نك ایلک تربیه عسکر یه سی یای و قلیجله باشلادینی در خاطر ایدلمیدر . چونکه اسکی قتیلمی تفشکر اوزمان ژاپونیا نك اصل سلاحی دکدی . ژاپونیا نك محاربه اخیرہ ده احراز ایتدیکی مظفرتی شایان تدقیق بر طاقم اسباب قدیمه یه عطف واسناد ایتک لازمه دندر . عجبا ژاپونیا عسکرینه بو حس فداکاری ، بومتانت و شجاعت نرمدن کلور ایدی ؟ زیرا بو کبی فضائل انسانده کندیلکندن ظهور ایتمز ؛ البته بونک بر باعی ، بر بادبسی واردر . شو حاله کوره بو کونکی ژاپونیا لیلرک احوالی توارث خصائص اجداد نقطه نظرندن تدقیق ایتلی . اولادک ابوینه فرط میل و محبتلری اقصادی شرق اهالیسی نرزدندہ فضائل اساسیه دن معدوددر . فقط انلرک بو محبتلری اوروپا لیلرک بو نام ایله توشیح ایتدکری محبتله اصلاً قابل قیاس دکدر . اوروپا مدنیتندہ ایسه اولادک ابوینه قارشو ابراز ماثرفدا کاری ایتنی لزومه کیمسه قائل دکدر . فقط شرقده امر بر عکسدر . اوراده ابوینه قارشو محبت ، فداکارلق ابراز ایتک هم مجبوری ، همده غایت طبیعی برشیدر . حتی او قدر طبیعیدر که بومسئله موقع مناقشه یه بیله قونه ماز . بوده خریستیانلغک ظهورندن اول ژاپونیا یه ادخال ایدیلن « قونفوسیوس » مذهبک ایجاب نندندر . بو مذهب کرک ابوینه ، کرک رئیس حکومته صورت مطلقه اطاعت و انقیادی آمردر . « قونفوسیوس » مذهبک بو امری ژاپونیا لیلرک اوزمانکی افکارینه تمامیله توافق ایتش ، زمانزه قدر انلرک اعماق قلبندہ جای قبول بولمشدر . « بودا » مذهبی ده بو تکلیف دینی قبول ایتدی ؛ ابوینه اطاعت درسی ۱۸۶۸ سنه سنه قدر ژاپون اطفالک تعلیم و تدریسی ایچون اساس اتخاذ قلندی . ۱۸۶۸ تاریخندن صکره ژاپونلر اوروپا اصولی قبول ایتدیلر . هر تقدیر قونفوسیوس مذهبنه عابد تدریسات رسمی پروغرامدن چیقارلدی ایسه ده بو مذهبک احکامنه ، مقتضیاتنه عائله لرجه ینه صوک درجه یه قدر رعایت ایدیلر ایدی .

ژاپونیا ده بر آدم التمش یاشنه کلدیمی هر ایشدن فراغت ، بتون اموال و املاکنی اولادینه دور ایدر ؛ اولادینک ویردیکی پاره ایله امرار حیات ایلر . ژاپونلر اختیارلره او قدر حرمت ، او قدر رعایت ایدرلر که کنجکرک بو فرط حرمت و محبتلرندن طولانی اختیارلر پیغوله تحقیر و استثقالده متروک قالمق اندیشه سندن قطعاً آزاده درلر . ژاپونلرک اعتقادنجه سنی حدکاله واصل اولان برادمدن ایش ایسته مک وحشتک ، غلظتک صوک درجه سی دیمکدر .

ژاپونیا ده ابوینه حرمت و محبت حسنی چوجقکرک ذهننه نقش ایتک ایچون مرتب بر چوق حکایه لر واردر . مکتبلر ده بو حکایه لری کوچک چوجقکره او قدرلر . بوفره لرک بعضیسی پک مؤثر ، بعضیسیده پک مضحکدر .

بونلرک بو وجهله ترتیب ایدلمسک حکمتی ده چوجقکرلری بونلردن حصه یاب ، متأثر ایتکدر .

مثلاً « روایش » اسمندہ آلتش یاشنده بر اختیارک حکایه سی

بوقیلندرد. بو آدم چو جق اتوانی کیر، حصارلرک اوستده یووارلانیر، چو جقلره مخصوص دها برطاقم شیر یاپار ایش !

بونک سبی ده طقسان یاشنده کی ابونک بو حالی کوروب «باق بزم اوغلتمز هنوز چو جق ایش» دیه متسلی اولمیری، اختیارلقارندن طولای اندیشه یه دوشمه ملری ایش.

اوروپالیر بر بابانک ناموسه، استقامته، عائد بر مسئله دن طولای اولادینی فدا ایتک خصوصنده کوستردیکی قیاقلی تقدیر ایده مزلر. حالبوکه بو قیاقلق بو فداکارلق بر چینی بر ژاپونیالی ایچون امور عادیهدندر، غایت طبعیدر. بونی موجب بر حال واقع اولدیمی انلر اولادیرینی فدا ایتمکده اصلا تردد کوسترمزلر.

ژاپونیا بلره دینسز دیرلر. فقط بو سوز طوغری دکلدر. هر ژاپونیا لیک اوندی عبادته مخصوص بر یر واردر؛ ابا واجدادلرینک اسملرینی کوچک کوچک لو-هلر اوزرینه یازوب اورایه آصارلر. ارواح کدشتکان ایچون اجرای آینه مخصوص کونلری واردر.

بو کون ژاپونیا لیک مذهب رسمیمی اولان «شینتو» مذهبی حقیقته امواته پرستیدن بثقه، برشی دکلدر. «شینتو» نک معاسی الله یولی دیملدر. اساساً بو مذهب طبیعت پرستیدن عبارتدی. بودا مذهبی غایت کنیش و ترخیص طرفداری اولدیغندن کتاب مقدس، قواعد مدونه سی اولیان «شینتو» مذهبی بر شعبه اوله رق قبول ایتدی. بودا مذهبی بر چوق بودالرک متوالیا ظهورینه، قائل اولدیغندن برنجی ژاپون ایمپراطورینی ده بودالر صره سنه کچردی. «شینتو» مذهبی ایمپراطورلرک اصلی الوهیته منتهی اولمق اساسی اوزرینه مبتنی. بونک خلاصه سی ده شودر: کویا ژاپون ارض مقدسی بدایه معبودلره مسکونه ایش، انسانلر ظهور ایش، معبودلره بینلرنده مناسبات پیدا اولمش، بونی متعاقب معبودلرسمواته چکلمش؛ ژاپونیا لیک خالق اولان «برانازی» نک «آمانه رازو» اسمنده بر قیزی واره ش، «کونش اله سی» بو تیز ژاپونیا اولکاسنی اولادلرندن برینک تحت حکومت ویرمک ایسته مش، ژاپونیا لیک ایلیک میقداروسی اولان «سیمونه نو» بی میلاددن ۶۶۰ سنه اول ژاپونیا یه حکمدار نصب ایش ژاپونیا رسمی وقعه نوبسلری بو آنه قدر ایمپراطورلرک انسال وانسانی کال دقله ضبط ایشلردر. انلرک حسابنه کوره شمدیکی ایمپراطور یوز یکریمی طقوزنجی میقادودر.

«مقادو» اصلنک بو صورتله معبودلره منتهی اولسی حسیه یله معنا اولیه بر اقتداری حائزدرکه ژاپونیا ده اواقداره قارشى طوره جق هیچ بر قدرت، هیچ بر اقتدار متصور دکلدر. ژاپونلر معبودلرینه فصل عبادت ایدرلرسه مقادونک اجدادینه ده اولیه عبادت ایدرلر. هر ایکی عبادت بر برینه مزج ایدلشدر.

مابعدی وار

فرید

خطبه لره دائر

سلام علیکم،

صراط مستقیمک صوک نسخه لرینه یازیلان یکی خطبه لری او قودم.

فوق العاده تقدیر و تشکرا ایلام. خطبه لر من هب بویه اولمی که آنلردن بکله نیلن فائده حاصل اولمش اولسون. بو یکی خطبه لر مناسبتیه جریده فریده لرندن برشی رجا ایده حکم:

خطبه دن مقصد، خلق امور دنیویه و اخرویه حقنده ایضا ایدرک سلامت عمومی و اسلامییه خدمت اولدیغنه شبهه یوقدر. بو مقصددن لایققله استفاده شهینسز، خطبه نک جماعتجه اکلایلمه سیله قابلدر، جماعتک اکلایلمه متاسبدر. بناء علیه بو نصیحت دینیه نک یا ترکجه اوله رق سویله نیلمسی، قابل اولماز ایسه، منبره چیقمزدن اول خطیب افندی طرفندن اوقونه جق خطبه نک اطرافلیجه و محملاً محکک اک چوق سویله نیلن لسان ایله اکلایلمی فوائد کلیه حاصل ایدر ظننده میم. بونلر قابل اولماز ایسه خطبه دن ایدیه جک استفاده شیمدی یه قدر اولدینی کبی عقیم قالمش اولور. خطبه بی یالکز عریجه بیلنلر اکلایمش اولوب دیگر اقوام یالکز بر دعا دیکلهمش اوله رق بکله نیلن فائده حاصل اولمادن جامعدن چیقمش اولورلر.

خطبه بی اولا عریجه قرائت ایدرک صوکره محلی لسانی ایله ایضاح ایلیک هندستانده جاری در. بونی مؤید اولمق اوزره مربوطاً، ارطغرل فرقتینی ایله ژاپونیا یه کیدن هیئت ضابطانک قوماندانی عثمان پاشا طرفندن هندستانده سنغاپور اهالی اسلامییه سی حقنده کوندریلن فتراتی لفا کوندریبورم.

مدیر بک افندی، بو بایده ایدیه جک استفاده بی سزه ایضاح ایلیکی لزومسز کوریرم. او وقت عوام، عالم اسلامیت و انسانیت خصوصنده هر هفته بالمجبوریه یکی برشی اوکره نه بیله جکدرکه بوتون بلاد اسلامییه ده نامهم منافع تولید ایده جکی شبهه سزدر. بناء علیه جریده معتبره لرینک بو خصوصده تشبیه انتظار ایلم اقدام.

سابق قره حصار شرقی متصرفی

احمد جاوید

۱۷ کانون اول سنه ۳۰۵ تاریخلی ارطغرل فرقتینی قوماندانی عثمان پاشا طرفندن هندستانده سنغاپور دن بحریه نظارتنه کوندریلان تحریراتده خطبه حقنده اولان فقره صورتیدر:

«ایمانه دخولمز بر جمعه کوننه مصادف اولدیغندن صلاه جمعی ادا ایتک ایچون کافه ضابطان رفیقلمله ساحله چقه رق دولت علیه عثمانیه نک قولومبوشهری اهالی اصلیه سندن فخری شهیندری طرفندن صورت مخصوصه ده احضار و تمیه ایدیلان آراهلره اوچر کشی راکب اوله رق چارشودن و برطاقم بنجه آره سندن مرور ایدرک طوغریجه شهیندرک خانه سنه مواصلت ایتدک. بومبایه ورودمزدن صوکره اشبوشهرده مواصلتمزدن خبردار وراثت ظفر آیت عثمانیه بی کورمه کال اشتیاق ایله منتظر اولان اهالی مشطلمه بزلر قایق اسکله سندن چیقار چیقماز اطرافیزی احاطه ایتدکلرندن بشقه آراهلر ایله کیدرکن بیله ایکی طرفلی طوره رق تماشا ایتمکده ایدیلر. مومی ایله شهیندرک خانه سی بر بنجه اورتیه سنده بر قاتدن عبارت غایت کوزل بر کوشکدر. بعض مرتبه قهوه آلتی ایدلدکن صوکره بتکرار